

Thomas M. ...

- 20



DISSERTATIO

EX JURE GENTIUM;

Praelectionibus quotidianis in Collegio
Juridico Universitatis Cracoviensis

M. FRANCISCI ANTONII

CWIERZOWICZ,

Utri: Juris; actualis Processus criminalis Professoris,
Collegæ dicti Collegii, Judiciorum Consistorii Ge-
neral. Cracov. & trans Vistulam Assessoris, Appro-
bandor. in Diœcesi eaque specialiter pro Regnis Ga-
liciae & Lodomeriae Concursum ad Parochiales Eccle-
sias Juris Patronatus REGII; deputati Examinatoris,

Objectis satisfaciente

V. D. ANTONIO de *Swiecice* SWIĘCICKI,
Primæ Laureæ in AA. LL. & Philosophia Candidato,

Ad publicè disputandum

PROPOSITA.

Annô Domini 1780. Mense Scholasticis
Actibus destinatô Julio.



CRACOVIAE

Typis Seminarii Episcopali; Acade: Diœce:



Hic ubi Divæ Themidis sacratos
Juris AUGUSTI colimus penates,
HIC habet Consi Tripodem.

Neotericus *in panegyric.*

Immota Catonis


Secta fuit; servare modum finemque
tenere,

Naturamque sequi Patriæque im-
pendere vitam.

Non sibi, sed: toti genitum se-
credere Mundo. Lucanus *lib. 2.*

7. 11. 20





AD
ILLUSTRISSIMUM DOMINUM

STANISLAUM

Poray

GOCZAŁKOWSKI,

BURGRABIUM ARCIS CRACOVIENSIS, TRIBUNALIS REGNI EX PALATINATU CRACOV. JUDICEM DEPUTATUM, DOMINUM MÆCENATEM AMPLISSIMUM;

DEDICATORIA.

ILLUSTRISSIME MÆCENAS.

Humanitate peccare neminem; aded-
Hæcque honorem in honorante esse:
 bellè persuasus, Dissertationem moder-
 nam præliminarem ex jure Gen-
 tium ILLUSTRISSIMÆ DOMINATIO-
 NI VESTRÆ meritò statui esse nuncupan-
 dam. Si enim verò Gentium Doctore sic per-
 hibente (a) cui honor, honor sit deferendus
 (2) ILLU-



ILLUSTRISSIMÆ Dominationi Vestrae
Tribunalis Regni *judiciaria perindequē alta*
JUDICIS potestate *fungenti, præsens opella tan-*
tamquantam ex se significare sufficiat; ascri-
bit deferentiam. Vixenos circiter ante annos quum
hic in Schola Regni alias profitens ad Facul-
tatem juridicam mentem animumquē meum
convertere pararem ILLUSTRISSIMAM Do-
minationem Vestram propensum erga me, at-
quē in genus benevolum prout semper comperi,
hodie dum expior. Matrem honorum Artium
& Scientiarum Cracoviensem Universitatem,
Cujus Filiam Posnaniensem Academiam ILLU-
STRISSIMA Dominatio Vestra ornando;
studiis humanioribus in tenera adhuc etate co-
luit, quantum Cordi habet; pluribus documen-
tis tanquam Actis authenticis multoties consi-
gnare non desistit, illaque ipsa, prima semina
eruditionis (dicere non prætermittam navatae
graviter applicationis) reapse demonstrant, ad-
quantam & quam uberem Communis Patriæ
Boni indies proveniunt; & jam cumulate satis
frugem provenerunt? (b) Decorum Do-
mūs DEI in Matrice Cerekiew cum ILLU-
STRISSIMA præcellentium dotum Consorte
ex præclara Radwanorum Gente JULIANNA
de



de Debskie. Materna, verò de TEGOBOR-
 SKIÆ Capitaneor. Bochnen. Familia. una
Filiis in Okulice Ecclesiarum Patroni si-
ve Collatores, Gloriæ DEI T. O. M. quantum
afferre quotidie studetis augmenti; Gentilium
 DEBSCIANÆ Domûs hæreditariæ in princi-
 pali dictæ Cerekiew totiusquæ Avitæ de Debe
 Propaginis (Cui Maternæ in Magnificis;
 JOANNE Camerario Graniciali Districtus
 Proffovicensis, Illustri ac Magn. ANNÆ de
 NIEMIERICIIS Castellani Polanecensi &
 SAMUELE Præfeto Cohortis Exerc. Reip.
 Polonæ SWIECICCIÆ *Taſtrzebic de Domo*
nuptis, SZWYKOWSKIIS. educandæ, per plu-
res ætates curas literatas impendebam) RA-
 DWAN Gentilitius, sive *Vexillum Sacrum;*
Stemmaticum DOMUS; *testatur. Haud novum*
siquidem DEBSCIORUM Domui: ornare Aras,
memores sunt ad hodie fasti, quomodo PAU-
 LUS DEBSKI *primùm Canonicus post Snf-*
fraganeus Cracovien. & Episcopus Ladi-
censis; Eminentissimo CARDINALI Prin-
cipi RADZIWILO Episcopo Crac. charus
fuit. Quomodo, Patriæ in amoribus fuere. (c)
 PAULUS & MARTINUS. *Qui Electionem*
 VLA-

(c) Matthæus, & Petrus DEBSKI; Expeditione
 bellica Legionum pedestr. sub STEPHANO REGE
 Poloniarum Insignes. *Paprocki. fol. 417.*



VLADISLAI IV. Poloniar. REGIS. *sub-*
scripsere. JOANNES *item.* Episcopus Beli-
nensis, Suffraganeus Premysliensis, CHRI-
STOPHORUS Pincerna Lidensis, CASI-
MIRUS, STANISLAUS, Ensiferi Terræ
Cernensis DEBSCII Prædecessores, præclara
vestigia famæ, post se reliquerunt. Imò: in-
nuisse hic pèrgratum & decorum: qualiter
Nobilissimam Suam progeniem ANDREAM
ad magnam spem ante ulteriorem Studiorum
cursum formandum. Pinczoviensi Academico
non pridem ILLUSTRISSIMA Dominatio
Vestra credidit Gymnasio, ubi, inter ludos Scho-
lasticos flexam ætatulam exercens, ita Cor
ILLUSTRISSIMÆ Dominationis Vestræ
Paternum oblectat, ita docentium animos de-
mulcens; præagire jubet, Se, Coronam Patris:
idquæ, non unâ; olim, imbutum velle: & fore
Minervâ, desideria & expectationem de se præ-
conceptam præcocibus animi virtutumquæ jam
coronat qualitatibus, verè Nomen decori im-
pleus ANDRÆ. Juris demum quàm edecu-
mata & gravia, celi quædam Oracula responsa
ab ILLUSTRISSIMÆ Dominationis ex
promptu prodeunt ingenio, adcurata, illius, &
præsertim Patrii notitiâ, quantum pollens!
Commissiones, Condescensiones Judiciariæ,
in ardu-



*in arduis & perplexis occurrentibus hinc inde: differentiis, prudentiâ & dexteritate gestæ, Deputationes magna gravitate expeditæ, aliæquæ in genus, nunquam quæcumquæ obvia, sed, magni semper ponderis agitata in Republica, cum Proceribus Regni multoties tractata & habita, ne modò isthæc REGALIS Judicii de Alto potestas; tanquam suum corpus umbra; indicant sequuta. Asst: extemplò an extemporaneè propè hæc parando: consultò multa præter-
eò, apprimè siquidem nota publico, illa; Nominis ILLUSTRISSIMÆ Dominationis Vestræ digna Prosapia, (d) Divi Archipræsulis ADALBERTI multarum Gentium & Polonæ Apostoli, in PORAITIS pervetustis, Martyrio profusum torrente, Sanguinem influens; meritorum in Rempublicam Polonam nempe nostratum amplitudo; ingenium vastum, atquæ solidè doctum in Jure Caput, Os disertum, verbò: illa profundi vis ingenii, ex fronte ipsa, cuius, inquantum Politici Statûs & rerum illius versantium gnaro; legenda.*

(d) *Mieschovita Lib. 2. epist. 31. Catharina GO-CZAKOWSKA Abbatisa Annò 1630. altera. Francisco BOROWSKI; Item: MALCZEWSKA Judicis Terrestris Posnanien. Filiast. Illri Magn. GO-CZAKOWSKI, in Matrimonium elocata. Niesiecki, Tom. 2.*



da. Sui proinde impræsens istud est Decretum
meriti. ILLUSTRISSE JUDEx DEPUTA-
TE. Suae; publicis experimentis tanquam aurum
igni probata; Civili ipsa æquitate super æquo
& bono fundatum: Sancitum Virtutis, quod
breviusculam hanc ex jure Gentium collectam
opellam, in sinum benevolentiae offiro, à Su-
premo omnium Bonorum Largitore depre-
cor; ut Gentilitiam Rosam rore cœlestium
Benedictionum plus, ultra, copiosius per-
fundens; vegeta incolumitate, omnigena diu fa-
ciat cum ILLUSTRISSE vitæ Socia &
Charissimis Pignoribus, prosperitate vigere,
Non ita nimirum: ut eòsque sub Labaro Sacro
Quæ Domestico. honor Antesignanum agat. do-
nec tandem; Coelum Secum æternos dividat
triumphos. utpotè Nomini & Honori

ILLUSTRISSE DOMINATIONIS
VETRÆ MÆCENATIS AMPLISSIMI,


devotus & obsequiosus Servus
Author opellæ.

Nihil vetutis æquè ac nobis notius,
quàm; DEI essentiam: ire per omnes
terras tractusquè maris, cœlumquè
profundum. Antonius Genuen. *de Le-
ge Naturæ Dissert.* 2. pag. 356.

Veteres mortales omnia in com-
muni possidebant, ut cùm caperent;
juris inducti Gentium, sua quilibet ac-
cipere arbitraretur, nec furtô teneri.
Idem ibid. pag. 360.

Nulli præclusa virtus est, omni-
bus patet, omnes admittit, omnes in-
vitât, ingenuos, libertinos, servos, Re-
ges & exules, non eligit domum, non
censum, nudo homine contenta est. Se-
neca *de benefic. lib. 3. cap. 18.*

Nec est quisquam Gentis ullius,
qui ducem naturam nactus: ad virtu-
tem pervenire non possit. Cicero *de*
Legib. lib. 1mô.



IN NOMINE DOMINI. Amen.

DISSERTATIO

præliminaris

ex Jure Gentium.

§. I. Amus

De existen.ia juris Gentium.



Supposita societate à gentibus ini-
ta; evidens est opus esse normâ
secundum quam in commerciis
negotiis & actionibus publicis rite so-
cietas instituat. Istâ hæc autem nor-
ma non est jus naturale, ut infra de-
monstrabitur, neque jus est particula-
re positivum, adeoque per justam con-
sequentiam est jus commune quod Gen-
tium appellamus. Neque fas erit in
dubium vocare; quomodònam fieri po-
ssit? ut Gentes omnes mutuò consentiant,
quum omnes convocari haud possint
ad unum concilium, istud tamen fieri
necesse esset ad omnium consensum co-
gnosendum. Ad jus siquidem Gentium
A



constituendum, necessarius non est consensus verbis expressus, adeoque non erit necesse ut gentes convocentur ad generale Concilium orbis terrarum; sed satis est, esse consensum tacitum, quem Gentes omnes significaverint usu & observatione rei alicujus, tum unanimi in eos animadversione qui temere ausi fuerint non observare.

§ 2dus.

De illius differentia à jure Naturæ.

Posito jam. quod detur in hominum societate jus Gentium. quæri solet. an à jure naturæ specie differat? *Hobbesius*. qui legem naturalem dividit in naturalem hominum & naturalem Civitatum. hanc secundam ait vulgò appellari jus Gentium. *Puffendorffio* hæc placet opinio, is siquidem nixus principio socialitatis *lib. 7mò. mox cap. 1. tractat de causa impulsiva constituendæ civitatis. sequenti. de interna Civitatum structura.* sicquæ juris Naturæ esse arbitratur, ea quæ sunt re ipsa juris Gentium. *Puffendorffium* sequuntur *Thomasius* aliique protestantes; aut non solum differre jus Gentium à jure Naturæ ex professo existimamus,



namus, verum etiam mult. fariam differ-
re, in aliquibus tamen utpote in genus
jus cum jure, & parum abest quin
secum in aliquo convenient.

imo. *verò* differunt inter se
ratione *finis*. nam juris Gentium finis
est Gentium utilitas sive hominum so-
cietatis felicitas. duntaxat *externa*. ne-
quē præsenti vita perennior, sive du-
rabilior, nequē simpliciter necessaria
Naturæ. sed tantum moraliter, ad hoc
ut Gentes inter se communicent, Jus
autem Naturæ pro fine *primario* habet
hominis propriam felicitatem, ut ho-
mo est, hoc est interiorem, nequē ter-
minò hujus vitæ, nempe præsentis cir-
cumscriptam, sed in perpetuum dura-
turam. Ita hominem informat officiis
erga DEUM atque se ipsum, pro fine
secundario habet felicitatem hominis
propriam non essentialiter sed inte-
graliter, supposita tamen societate ad
felicitatem publicam obtinendam.

2.^o. Differunt in *Objectis*. Jus enim
Gentium objecta habet non absolutè
necessaria, ideoquē ut *Ciceroni* placet
ex Gentium opinione proficiscitur, quæ

Az... est



est de majoribus commodis societatis humanæ - ejusmodi sunt. - Immunitas legatorum. jus commerciorum. & alia. Jus verò Naturæ objecta habet necessaria simpliciter, ideoque ut loquitur Cicero pro Milone num. 10. *Est enim hæc Judices non scripta sed nata lex, quam non didicimus, accepimus, verum à natura ipsa arripuimus, hausimus expressimus, ad quam; non docti. sed facti, non instituti sed imbuti sumus.* ex evidentia potius naturali oritur, hoc est ex principiis vel per se notis, vel ex conclusionibus, quas Maximas sive veritates vocamus; inde deductis.

3tio. Differunt in *constitutivis*. quodque eorum propriis. *Jus enim Gentium* est jus non scriptum, sed inductum moribus Gentium usuque diuturno; qui consensus taciti imò & universalis est signum, *jus verò naturæ* est jus scriptum in hominum cordibus; rationi maximè conveniens quinimò illi cognatum, aut satius innatum, neque hominum voluntate sancitum.

4to. Differunt in *Causis*. Causa enim efficiens *juris Gentium* est voluntas.



luntas Gentium hinc est quod eo jure non obligantur, Gentes; quæ jus illud non acceptârunt. exempli causâ: *Sineses* haud obligantur ad excipiendos *Polonos* Mercatores. eò quia jus commercii inter se & *Polonos* non admiserunt. *Causa verò Juris Naturæ* est DEUS. ut Author naturæ.


Differunt item in *proprietatibus*: jus enim *Naturæ immobile est*, jus verò Gentium mutari potest, quum pressè loquendo ex hominum voluntate dependeat.

adò. Jus Naturæ est *universale*, omnesvè, obligat, & sicubi non observetur; id ex errore contingit. *Jus verò Gentium* non semper est *universale*, sed fere semper, nequè semper ad omnes pertinet, sed ad plerosquè vel saltem ad eos omnes qui sunt moribûs cultiores, hinc sine errore potest alicubi non observari. exempli causâ inter Gentes quæ commercia externorum non admittunt.

S. 3^{tius}

De convenientia erga se utriusquè.

COnvenit jus Gentium cum jure Naturæ



turæ; utriusque enim finis est felicitas publica societatis humanæ, utrumque eodem fere modo est exortum, cum genere humano, quum sit utrumque suapte omnino rationi conveniens. Alt: qua ratione est exortum cum Genere humano *Jus Gentium*, variis variis; plerisque non tamen omnibus placet eorum sententia. qui dicunt *Jus Gentium* inductum esse à purimis hominibus, posteaquam in societatem convenerunt, exercendo videlicet actiones quasdam ad rectè constituendam societatem pertinentes; exempli causa: admittendo Legatos, commercia instituendo, &c. Placuerunt actiones ejusmodi primùm Gentibus inter se finitimis, svadente publica partim securitate partim utilitate. Aliæ Gentes deinde commoditatem ejusmodi observantes; imitatione & consensu iis se moribus imbuerunt, longo post tempore transierunt in leges ex Justitia publica obligantes, quas Leges *Jus Gentium* adpellamus. exemplum habemus in Lacedæmoniis vel Spartanis quorum Rempublicam Lycurgus instituit
ex imi-



ex imitatione Cretensis Reipublicæ.
 Item: in Romanis; qui *Leges illas XII.*
 tabulis comprehensas ab Atheniensibus
 acceperunt. in gentilibus denique
Josepho hebræo testante in libro imo
contra Appionem, multa è judæorum
 scitis didicerunt, sibi quæ propria fe-
 cerunt. Quid? quod Gentes aliquando
 subactæ ita bonam Victoribus gratiam
 retulerunt, ut suos mores artesq; o-
 ptimas in eos transfunderent. sic *Ho-*
ratius de Græcis victis à Romanis victo-
 ribus cecinit:

*Græcia capta ferum victorem cepit. & artes
 Intulit agrestes Latio.*

His constitutis: facile est jus Gentium
 definire, imò jam & dividere, ad quod
 fit breviusculè.

§. 4^{tus}.

De definitione & divisione Juris Gentium.

Est ergo jus Gentium. Ordinatio ra-
 tionis longo usu Gentium ex consen-
 su DEI societatis humane Gubernatoris
 inducæ; ad Gentium publicam utilitatem
 & societatis inter se conservationem.
 ex qua definitione adhuc liquet. so-
 cieta-



cietatem inter Gentes initam esse ex Jure Naturæ concedente. non obligante ad societatem ineundam: poterant enim homines seorsum vivere si voluissent, ut modò possunt, qui volunt, *Leges* autem *Naturæ* sunt quæ omnes simpliciter obligant. hinc ruit poenitus argumentum.

Dividitur *Jus Gentium* in affirmativum & negativum. primum est quo aliquid jubetur. ut admissio Legatorum. alterum quo aliquid vetatur. exempli causâ. ne arma & fontes venenô infician- tur ad mortem hostibus inferendam. *Primum* non obligat ad semper, nam- què ad illud semper implendum haud sufficient humanæ vires, sapenumero valde imbecillæ. *Secundum*. obligat ad semper. propterea, quia vires huma- næ semper sufficient ad actum veti- tum omittendum; prout etiam hoc ipsum in præceptis Divinis *Decalogi* solet demonstrari.

Jus Gentium in genere est omne id quod intendit veluti finem suum: con- venientem communicationem. & utili- tatem Gentium, unde si opportunè hinc quæ-



quæreretur. *Quinam sit effectus juris Gentium?* responsum facile haberi potest. Esse obligationem legalem ob quam Gentes tenentur parere iis quæ decreta sunt communiter. id verò constat ex Gentium adsensu communi, quæ ex horrescunt & indignantur, si hanc legem quam sanctissimam vocant; aliquando videant violari. Quocirca: hæc obligatio non homines duntaxat quos privatos, sed ipsa summa Mundi Capita afficit. Itaque Juri Gentium obtemperare tenentur maximi Reges, jubente DEO. Qui societatem humanam hoc jure tenet, atque conservat, imò non tantum singulos mortales per leges rationales ad destinatos Mentis suæ æternæ fines dirigit, sed infernas etiam gentes mutuis officiorum nexibus vult esse obstrictas, ac juris Naturæ vinculo colligatas. Vigent tamen inter Gentes & alii quidam nexus quos DEUS liberos reliquit, pro arbitrio à Gentibus introducti, altera Gente alterius ope indigente, ut quantum religionibus sejunctum; tantum communi commercio tanquam vitæ socialis atque
commu-



communis felicitatis & prosperitatis
 vinculô colligatum sit humanum genus.
 Inde enatum illud sacrosanctum po-
 pulis quos politior cultus ac dignitas
 commendat: jus Gentium, ad quod appel-
 lare solent integræ nationes, si fortè
 ab altera violatum illud esse contigerit.
 Quam autem compertum habemus ejus-
 modi *Jus Gentium* existere; tam con-
 troversum esse videtur. *In quo consistat?*
 & quousquè objectum acsi quoddam
 honorificum illius regnum sese expor-
 rigat? tum & an juri naturali? an po-
 sitivo? Divino an humano? sit accen-
 dendum? an verò novam ab istis speciem
 juris constituat, quod non nihil decla-
 rabit objectum juris Gentium.

S. stus.

*Quæ pertinent notabilius tractanda in
 Jure Gentium?*

IN specie pertinent ad jus Gentium.
primò. Primæva rerum *divisio.* Quan-
 quam enim natura humano Genere jam
 propagato requireret aliquod medium
 ad vitanda incommoda multitudinis: non
 tamen hoc medium divisionis determi-
 natè requirerebat.



2do. *Divisio Gentium & Regnorum.*
nam licetsi humano Genere propa-
gato Natura exegerit aliquod medium
ad turbas vitandas; non tamen exegit
hoc medium divisionis determinatè;
quatenus in tot hæc vel illa Regna.
Non enim ex natura rei repugnabat
Orbem terræ universum constare qua-
dam Republica universali. utpotè quæ
popularem dominatum vel Optimatum,
vel unius Regis haberet; vel certè tan-
ta Gentium ac Regnorum discretio ne-
quaquam fuisset, præsertim ut sim-
pliciter necessaria, quantam videmus
jam contingisse.

3tio. *Commerciarum libera facultas.*
nam & hæc facultas non est simplici-
ter necessaria ad hominis propriam fe-
licitatem conservandam, etiamsi sup-
posita peropagatione in immensum Ge-
neris humani. posset siquidem una &
quæquæ Respublica sine commercio
per se consistere, non est itaque *per*
se Juris Naturæ ast *Juris Gentium*. Di-
ctum est *per se*; per accidens enim po-
test inducere obligationem amoris na-
turalis, exempli causâ; in extrema ca-
ritate



ritate annonæ quâ laboraret *Hungaria*: ex lege amoris naturalis teneretur *Po-
lonia* commercium permittere, etiamsi antea prius non permisisset. ad trit-
ticum asportandum, ne scilicet flanti-
mum Regnum gravi miseria conficere-
tur.

4to. *Bel'um solemne.* hoc est qua-
tenus continet denuntiationem & quosdam
effectus; est *Juris Gentium*. Nequē enim
amor naturaliter sibi debitus hoc requi-
rit ad propriam felicitatem, posset enim
simpliciter & *absolute* bellum fieri si-
ne denuntiatione, & indictione, ac non
habere quosdam effectus.

5to. *Repressalia.* quas vocant, ad
jus *Gentium* spectant. *Jus* enim *Naturæ*
non obligat nisi Successorem bonorum
ad reddendam rationem facti alieni,
exempli gratiâ si Pater meus injuste
& graviter Titium vulneravit, ego hæ-
res teneor mortuo Patre vulneratum
curare. Contra verò. *Gentium consen-
sû* est constitutum, ut pro eo, quod
alteri *Respublica* debet, & nondum
persolvit, subditorum bona veluti oppi-
gnorata ab altera *Republica* habeantur.

6to.




6to. *Servitus* proficiscitur ex *jure Gentium*, namque communis utilitas requirebat, ut capti justo bellô *servituti* satius addicerentur, quàm necarentur.

7mo. *Legatorum admissio* & *Immunitas*, non est *juris Naturæ*. Sive negotia commerciorum respiciat; sive *pacis* præsertim *publicæ*. posset enim. Gens al qua sibi soli vivere & aliorum commerciis abstinere, tum alio modo quàm *legatione* pacem curare. est itaque *Juris Gentium*.

8vo. *Pax* ad bellum relata: & in suis effectibus, *Ratio* siquidem *paciscendi* quæ est. in oblivione malorum, restitutione bonorum & cæteris quæ pacem comitantur & consequuntur nonnisi ex *Gentium* voluntate constitui poterant, & quidem prout ad communem illarum utilitatem.

9no. *Fœdera*. non sunt absolutæ necessitatis in Genere humano. namq; ut Gens quælibet. absolutè sibi soli potest vivere; ita potest aliorum fœderibus nequaquam se ligare.

10mo. tandem. *Jus transitûs*, quando non est justa ratio excludendi peregrinos



regrinos & advenas. *Jus etiam sepulturae* in hostibus interfecdis, quum æquitatem naturalem contineat, & in mortuos sævire non debeat. Non tamen est absolutæ necessitatis hostes humo condere, neq; repugnat naturæ; cadavera hostium inhumata relinquere.

11.mò. *Jus Præscriptionis.* cum ad pacem & quietem publicam retinendam pertineat; & hominum societatis intersit, semper aut diu incerta non esse rerum dominia, & aliquem esse litium finem, videri possit *Juris esse Naturæ*, Verum *Præscriptio.* non est absolutè necessaria ad felicitatem hominum singulorum. Nihil enim definivit natura de quantitate temporis pro diversitate materiæ *præscriptionis.* de qualitate *bonæ fidei*, aut de cæteris conditionibus, est itaque *Juris Gentium.*

12.mò. *Jus cudendæ Monetæ.* & valoris tribuendi est à jure Gentium & adligam earum, neque enim valor monetæ est naturalis; sed commoditatis publicæ causâ substitutus est à Gentibus, in locum rerum; quæ antea permutabantur

Origo



Origo siquidem monetarum nationibus fere quaquaversum omnibus opportunum valde inventum est, atque anima commercii, tum rei œconomicæ. *Usus* illius per totum propè Orbem invaluit, origo tamen certa adsignari non potest. aliqui referunt illam usquè ad Nòemum. saltem in sacra scriptura apud antiquissimos Patriarchas reperiuntur vestigia *Siclorum*. In *Germania* prioribus sæculis vix habebantur monetæ, nisi quas Romani attulerant in Provincias finitimas, in interioribus verò Provinciis simplex rerum permutatio vigeat fere usquè ad sæculum X. antiquissimi enim Germanorum nummi fere sunt ab *Ottone* Imperatore, qui ex una parte Nomen. OTTO. altera Crucem habent. Emergebant postmodum *bracteati* idest nummi ex bracteis, adeò tenuibus, ut forma ex uno latere impressa etiam in altero apparet. sed hoc monetarum genus sæculo XV. iterum exolevit. Cæterum: Jus monetandi censebatur semper inter *Regalia*, privatus qui id usurpasset; capitis damnabatur. Qui scrupulosius ra-

dices



dices verborum inquirunt; putant, quòd Moneta dicatur à *monendo* eò quòd moneat de bonitate & valore metalli. Nummus à Græco *nomos*. idem quòd lex. eò quòd ille à lege valorem suum habet. Pecunia ex opinione multorum antiquiorum sic dicitur; quia olim Lacedæmonii pecudum coriò forma publicâ significato uterentur. Melius dicitur nummus à Numa Rege Romano, qui primus monetas cupereas dedit. pecunia. quia olim varia pecudum capita eidem impressa erant. æs quia ex metallo fiebat; hinc ærarium.

Respective ad varias Gentes. de re Monetaria.

In China. non utuntur monetis. sed lamellas argenteas habent de quibus juxta proportionem rei emendæ; rescindunt.

In Æthiopia. sal fossilis est locò pecuniæ minoris, sexaginta illius frustula juxta fodinas valent nummo aureò, quò longius dein à fodinis receditur, eò majoris illa frustula valent.

Ubivis fere Gentium materia Monetarum non alia esse consuevit; quam quòd monetæ solent fieri ex metallo,
quia



quia hæc materia rara & pretiosa, proinde in parva quantitate multum valet. Item: quia indivisibilis est in partes minutas & tamen diuturna, facile transferri, facile notis publicis insigniri potest, neque tam facile adulteratur, ast acceptam semel formam atq; mensuram constanter & fideliter servat.

Primario sumitur aurum & argentum; sæpe etiam cuprum præsertim pro Monetis minoribus, imò hoc vix non omnibus monetis admiscetur, tum: quia aurum aut argentum purum tractari vix potest; tum ut hoc additamentò sumptus officinæ monetariæ compensentur, prout admixtum cuprum sive admixtum argentum; habent suas denominationes.

In gravibus necessitatibus belli aut obsidionis leguntur fuisse etiam Monetæ ex charta, corio, stanno, confectæ; Aurum ponderatur per marcas. Marca habet 24. carattos. carattus habet 4. grana. granum 3. grena. 6. faciunt aſe minunciam igitur Marca habet 8. uncias sive sedecim semiuncias, aut dimidiam libram.



Aurum purissimum (quod tamen vix datur) dicitur aurum 24. carattorum; si unus carattus cupri vel argenti admixtus sit: dicitur aurum 23. carattor. Ex marca pura cudi solent 67. vel 68. ducati.

Argentum pariter ponderatur per marcas. marca simpliciter dividitur in 16. semiuncias, si argentum sit purissimum. dicitur argentum sexdecim semiunciarum, si una semiuncia cupri admixta sit: dicitur 15. semiunciarum, si duæ semiunciæ cupri admixtæ sint, dicitur 14. semiunciarum.

Norma sive Lex monetaria est, quæ pretium intrinsecum monetarum ita determinat; ut pateat, quot nummi cujuslibet classis ex una marca procudi possint, ne scilicet jus monetandi detorqueatur ad injustum lucrum & excessivum

Notatu hic dignum est; quod antequam infelici consiliò & damno Regnorum totius fere Europæ infinito; argento æs in moneta admisceri in Germania primò & Bohemia coeptum est, Reges & Principes: illud propè duntaxat; quod Ipsorum imaginibûs moneta sequaturæ temporum memoriæ signaretur,



retur, haud aliud lucrum *ex jure mon-*
netundi referebant, verum à tempore
admissi metalli, quod initiò saeculi *XIV.*
demum accidit, artifices monetales mo-
netam poenitus corrumpere, & pro an-
tiqua argentea aream populis obtrude-
re, atque sic Aërarium publicum; longè
ultra quàm privatorum singulorum
reditus fraudare coeperunt.

In Polonia primus VLADISLA-
US JAGELLO. *prope Czerwień* Annò
1422. *Ö sequenti.* Reipublicæ promisit,
quòd sinè consensu communi Senatûs
monetam pro Se & Filiis suis non ve-
lit cudere & alias cudentes puniet, ut per
hoc damna & penuriam à subditis
avertisset, de quo legere est apud *Herbur.*
verb. moneta seu pecunia. Łaski. fol. 48.
Ö 51. Quam etsi postea Reges: mone-
tarum cudendarum jus secundum con-
silia & Commissiones ex Comitibus de-
finitas; aliquoties exercuerunt, donec
SIGISMUNDUS III. Rex ut gratiam
Ordinibus faceret; *Constitutione Anni*
1632. *pag. 3.* Jus cudendæ monetæ Rei-
publicæ perpetuò cessit, quam legem
Successor Ejus VLADISLAUS *in Pa-*



*Etis Conventis pag. 13. ac deinde omnes
sequentes Reges approbârunt. Sub In-
terregno Constitutio Anni 1764ti. O
mennicy i monecie. quæ incipit. Gdy
widziemy iak ciężką iest Kraiowi ruiną
narzut zagraniczonych rozmaitych a
fałszywych monet: Ktorych wykorze-
nić bez własney narodowey nie mo-
żemy, przeto zlecamy tymże uſtano-
wionym Radom Etc. De re monetaria
quid ſubinde lege ſancitum in Comitiiis
Ordinariis] Anno 1766 10. ſub Sereniſſi-
mo STANISLAO AUGUSTO moder-
no Regnante. tit. Uſtawa waloru i kursu
monet w kraiach Rzeczypoſpolitey. &c,
praefertim ibi. ~ Tym oſtatnim na ca-
ły Narod uciskiem pobudzone Zkonfe-
derowane Rzeczypoſpolitey Stany na
Seymie Konwokacyinym 1764tego po-
ſtawiały: aby poſkonczeniu Bezkro-
lewia wſzelka zagraniczna Moneta przez
bicie dobrej Kraiowey Monety wyko-
rzeniona była. Zeby zaś ta zbawienna
dla dobra poſpolitego uſtawa prędszy
ſkutek wzięła; też Zkonfederowane
Rzeczypoſpolitey Stany pokładaiąc zu-
pełną uſność w Oycowickiej Nałzey
około*



około Dobra pospolitego staranności,
Ius cudenda Monetæ. niegdys od Pre-
decessorâ Nászego ZYGMUNTA III.
Rzeczypospolitey ustąpione, Nam zu-
pełnie Samym do życia powierzyły. Za-
czym My zawdzięczając tę Stanow. *O*
infra. cum lege positiva de *pendere,*
grano, specie O valore cujuslibet mone-
tæ sufficienter docetur.

Quando quidem cujuslibet Genti-
um & terrarum nummi pretii rerum
eminentis *finis* id exigit, ut seliga-
tur in quacunque (*demus*) Gente
materia: nec nimis rara, vulgo obvia,
nec usu ac pretiô destituta, nec diffi-
culter in quasvis partes divisibilis, nec
justô fragilior, nec quæ difficilius cu-
stodiri, vel ægrè nisi in quemvis locum
transferri posset: quia nimirum; si *ra-
ra* nimis esset, non sufficeret homini-
bus, si *vulgo obvia*; nullius pretii esset,
si *pretiô destitueretur*, non recipere-
tur ab omnibus, si *non in quasvis aqua-
les partes dividi posset*; non obtinere-
tur ex ea in commercio æqualitas, si
fragilior esset, vel usû detereretur; pos-
sessores paulatim redderentur pauperio-
res,



res, denique si nec commodè custodiretur & difficulter in quemvis locum transferretur; idem ex ea maneret incommodum, quod commercia ante inventum nummi usum difficiliora reddidisse: facile colligimus. Sicque obinde jam *Carthaginensibus* pro nummo erat, quidquam pelliculae exiguae illigatum & publice obsignatum, prout testatur *Alschin. dial. de divit. cap. 34. pag. 78. edit.*

Petri Horrei. Lacedemoniis pondus ferri & quidem inutilis. *Idem ibid. pag. 80. Plutarch. Lycurg. pag. 51.* Aliis gentibus pro auro, argento & ære conchas de quo *Leo Afric. Lib. 7.* aliis grana & baccas, aliis massas salis adhibere placuit. *Pufendorf. de Jure Nat. & Gent. lib. 5. §. 1.* De corio, papyro, plumbo, aliisque rebus in calamitate publica maxime obsessis Urbibus pro pecunia expensuatis, ut recentiora vel saltim præsentis sæculi exempla prætermittamus, notum est ex *Seneca lib. 5. de benefis.* Ast hæc suo loco & tempore: ubi de *Merce, pretio rerum & Moneta* agetur; fusiùs tractabuntur.

1310. Ad *Jus Gentium* spectat;
ne



ne hostes per sicarios dolo & proditiōe occidantur. 14.*to*. Fœdera Pacis & Induciarum, ut jam dictum, quæ licetsi postquam inita sunt, ipso *Jure Naturæ* statim obstringant; ad institutionem tamen petitionemquæ: *jure Gentium* sunt instituta.

15.*to*. Bonorum partitio.

Ad hæc referibiliter spectant minus propriè accepti *Juris Gentium* sequentia exempla.

16.*to*. Munitio Civitatum. 17.*mo*. *Permutatio rerum*; nequæ enim sacra fert omnia tellus. 18.*vo*. *Jus postliminii*. quod est recuperatio omnium jurium captivitate amissorum: per reditum ad fines Imperii. 19.*no*. Usus panis pro cibo. 20.*mo*. Jura acquirendi bona atquæ nonnulli alii contractus. 21.*mo*. Designatio certi statûs hominum ad offerenda DEO Sacrificia.

In totum addi potest: quod jus istud obligat in conscientia, plus minusvè, juxta materiæ gravitatem, majorem aut minorem.


Quinimò hujusce juris violatio tantum apud omnes Gentes sceleris prodit



dit ut ejusdem violatores non modò culpam contrahant in *Divino Conspectu*; verùm ut infames; & publicæ tranquillitatis hostes, reputentur.

Secundùm istius juris regulas dirimuntur lites & dissidia inter supremas Potestates, plura sunt jura Civilia in quocunque statu, quem non transiliunt. Verùm quæ *Jure Gentium* investita sunt, populos omnes obligant sinè ullo discrimine. Quare Principes supremæq; potestates, non modò proprii statûs, sed omnium populorum, quibuscum commercium & negotia habent; pacem, tranquillitatem felicitatemque spectare; & cavere ejus perturbationem summo perere debent.

Illud postremò *animadvertendum*, mutationi obnoxia esse (ut dictum) ea quæ *jure Gentium* comprehenduntur. Mutari itaque possunt, per non usum & desuetudinem, temperari; roborari quandoque *Juris Civilis Decretis* apud unam Gentem; & non penes alteram, idque ex eo: quia illa quæ hoc jure aut præcipiuntur aut prohibentur, intrinsicam bonitatem sive malitiam necessariam non
contine



continent, prout continent ea quæ sunt præcepta vel prohibita ex solo *Jure naturæ*. Et tamen: licet omnia mutabilia sint, re ipsa fieri *moraliter* nequit, ut omnia mutantur, imò quandoquæ plura ita publicæ utilitati consentanea sunt & utilia, ut absquæ iis consistere nequeant— Pax & tranquillitas publica.

DEUS præprimis potest efficere; ut multa homini liceant, quæ antea & alias non licebant, non quidem: *naturalis juris* solvendo obligationem; sed rem ipsam subtrahendo potestate Sua juris naturalis obligationi, quod quidem etiam Princeps quilibet quò ad subditos suos præstare *aliquatenus* potest, Scilicet quum ambigere nemo possit *jus DEI* latius multò patere quàm creaturæ, quemadmodum & multò amplius *jus* est Principis quàm privatorum civium: *jus* suum potest DEUS homini communicare, sive eum juris sui administrum, ac velut instrumentum deligere. Ex quo facile intelligitur: quomodo homini illi quidpiam liceat jure Divino; quod non liceret humano jure. Hac planè ratione potuerunt *Israëlita* absquæ

C.

omni



omni culpa pretiosas *Ægyptiorum* res auferre; hanc illis DEO potestatem faciente. (prout in sacra pagina *Exodi cap. 11.* perhibetur) Qui velut absolutus omnium Dominus illarum rerum dominium transferre in illos potuit, ac velut Supremus Judex debitam eisdem ab *Ægyptiis* restitutionem procurare. Hac quoq; ratione licebat *Abrahamo* filium suum *Isaac* tametsi innocentem occidere; de quo *Gen: cap: 22. V. 2.* eò: quòd ita Dominus vitæ & necis imperâset, quo certè in casu adeò à jure naturæ lædendo alienus fuit *Abraham*, ut maximè contra ipsum egisset; si detrectâset reddere, quod erat DEI, DEO. Sic etiam ubi viget *humana justitia*. licet ministro publica autoritate occidere gravis criminis reos; quod non liceret ipsi auctoritate privata, hujusmodi interfectiones non veniunt *homicidii*, verùm simplici *necis* nomine. Quemadmodum nequè ablatio rei, legitima authorite facta furtum est, res enim eo ipso desinit esse aliena. quòd eam, alteri accipiendo, iusta accedit potestas sive facultas. In hisce ergo aliisvè similibus casibus
non



in alterum injuriam continent, dempta
autem ratione injuriæ. cur hæ actiones
prohibeantur? nihil est. Potest tamen
quandoquæ & accipi res aliena & non
reddi credita, quin ulla alteri irrogetur
injuriam. ut patet in casibus supra allatis.
Nequæ enim cuiquam irrogatur injuria.
dum authoritate superiore & transferen-
te dominium, quidpiam accipitur & oc-
cupatur, eò: quod superiore transferen-
te dominium desinit res illa esse alteri-
us. vel. saltem. illius dominus *non est*
rationabiliter invitus. In his ergo casi-
bus quædam (*ut summam*) contingit
juris naturalis mutationis imago, re ipsa
tamen *mutatio* nulla est, salvo tectoquæ:
quod ab ipso jure *per se* intenditur; Ast
hæc sunt ex incidenti *pro jure naturæ*
adducta.

Hanc *mutationem Materiæ* non pro-
cedere in eo casu, quo jus naturæ re-
spicit materiam arbitrio seu potestati
Divinæ haud subjectam, qualis est: *idolo-*
latría, mendacium, aliæquæ in se *radica-*
liter inhonestæ, propter *essentialem* re-
pugnantiam cum ratione, ac fine crea-
turæ rationali proposito, per se clarum
est.



est. Hæc enim si aliis in circumstantiis DEUS posset facere *licita*; Se Ipsum posset facere defectuosum, quod implicat. Indeque colligitur differentia inter *præcepta*, primæ & secundæ Tabulæ *Mosaiæ*, illa neque mutationem *impropiam* seu *in materia*, recipere possunt, hæc, saltem pleraque. ejusmodi *mutationis* sunt capacia.

23. *Imperia* etiam *juris Gentium* esse sustinet Schwarz. in *prolegomen. de orig. & progressu Jur. Nat. & Gen.* vel ex eo: quod sint toti humano Generi communia, atque ex ipsis rerum naturis primaque eorum institutione oriunda, unde: *Philosophus lib. 1. Polit. cap. 3.* fatetur, *nil esse tam aptum ad jus & conditionem naturæ quam Imperium.* adeo ut Cicerone teste. *de legibus. in principio.* sine illo. nec domus ulla, nec Civitas, nec Genus hominum, nec Mundus stare posset. Profecto uti recte animadvertit *Pater Molina.* etiamsi in novo orbe (*quem vocant*) detecti occidentales populi nihil fere nobiscum commune habent. quandam tamen *Reipublicæ formam* servare comperti sunt, sic in *America* saltim Duces habent *Capitaneos*.



neos, *Mexicani* Reges statuuntur electione, *Peruani* etiam successione: uti ex historicis est compertum.

§. 6^{tus}.

Refelluntur quorundam sententiæ, circa adfectiones in jure Gentium.

Nam. primò. Nulla potest adferri ratio, cur *materia juris Gentium* esse debeat omnino diversa a *materia juris Naturæ*; quum jura haud necessariò discriminentur ratione *materiæ*, sed *formæ*. seu ex diverso obligationis fonte, ut in confesso apud omnes est, nemo siquidem nescit eandem actionem quandoquæ præcipi aut prohiberi multiplici jure, sic: in exemplo, homicidium quum jure *Naturæ*, tum jure *Civili* ne modò *Divino* interdicitur. Ecceur igitur aliquid & contra *jus naturale* & contra *jus Gentium* esse non possit adeòquæ utriusquæ *materia juris*? Profectò nulla hac de re dubitatio subit animum veterum Romanorum Juris = consultorum, qui propterea dixerunt rem eandem nunc esse *juris Naturæ* nunc verò *juris Gentium*; & dum hoc secundum definirent, vel de eo sermonem haberent, quandoquæ earum rerum



rerum afferebant exemplum, quæ procul dubio ad jus pertinent naturale. Nequæ ex eo: quod ita se gesserint; censendi sunt vel utrumquæ confudisse, vel alterutrum eliminâsse: sed ratum apud ipsos fuisse, eandem *materiam* ad jura diversa *ratione* tamen *diversa*, posse ipe-
diare. Quemadmodum verò *materia* juris Gentium non est necessariò à *materia* juris naturalis diversa, ita nec eadem *necessariò*: quod solùm ille in dubium vocaverit, qui impossibile censeat, plures gentes in præcipienda aut vetanda re aliqua consentire, quæ juris naturæ non sit. Qui autem hoc neget, apertè falliur ipsiquæ experientiæ & facto repugnat, modò ille consensus ita intelligatur ut insinuatum est §. imò.

Secundò. Immeritò nonnulli contendunt *jus Gentium* omnino *universale* esse debere, nihilquæ ad hujusmodi jus pertinere, nisi sit lex vel consuetudo apud omnes omnino obtinens gentes. Cur enim adeò *universale* esse debeat? sanè non videtur exigi. Perfectam hanc *universalitatem* certè non exigit ipsius nominis ratio; dicitur enim *jus Gentium*
non



non tamen: *omnium Gentium*: nequē
universalitas illa agnita fuit ut necessaria
à veteribus Jurisconsultis Romanis, qui
ejusmodi jus explicantes illud esse di-
xerunt, quod Gentes (*non quod omnes*
Gentes) exigente necessitate sibi con-
stituerunt: nequē demum *universalitas*
illa ad ingerendam obligationem huic
juri convenientem tantopere requi-
ritur. Postremò: qui omnimodam postu-
lit *universalitatem* is nunquam asserere
poterit quidquam esse de jure *Gentium*,
cū scire nullatenus possit, aliquid,
re ipsa, esse, apud *omnes omnino gentes*,
vel Lege aliqua vel consuetudine con-
stitutum. Itaque ut aliquid juris *Gen-
tium* esse dicatur, satis erit, si apud ple-
rasquē, vel multas præsertim politiores
gentes (nam mores hominum barbaro-
rum meritò negliguntur.) vigeat lex ali-
qua, vel aliqua consuetudo. Hinc: non
unum sed plura censentur in Orbe ter-
rarum *jura Gentium* agnosci posse, at-
quē distingui. *exgr. juris Gentium- Euro-
pæum, Asiaticum Americanum. &c.* si ta-
men constaret, Gentes omnes Europæas
vel Americanas in aliquibus præscri-
bendis,



bendis seu consuetudine, usuque fir-
mandis consensisse. Imò & in qualibet
Mundi parte (*puta*) *Europa vel Asia*,
viget propemodum non unum, sed mul-
tiplex jus Gentium, cum ex gentibus
ex gr. Asiaticis, aliæ in una; aliæ in
alia lege aut consuetudine convenire
potuerint. Quid demum si dixerimus da-
ri jus Gentium posse, cum in ordine
ad plures, tum etiam in ordine ad uni-
cam gentem, illudque & *jure natura*
& à *jure Civili* diversam; proinde ge-
neris ejusdem cum *jure Gentium*? Jus
istud admitti colligitur tunc, quando
in pluribus Civitatibus ejusdem natio-
nis habetur lex aliqua vel consuetudo
communis & arbitraria; non jam enim
jus illud non erit propriè *civile*, cum
istud intra unius Civitatis terminos con-
cludatur. Si dicatur illud *Civile* qui-
dem esse sed pluribus Civitatibus seu
integræ nationi commune; solum de
nomine disputatio erit: eadem quippe ra-
tione licebit dicere unicuique, & ipsum
jus *Gentium* nihil aliud esse præter jus
Civile pluribus gentibus populisque
commune; proinde non omnino impro-
banda




banda est eorum opinio, qui totum jus dividunt in *naturale* & *Civile*; hoc verò in *peculiare* & *commune* nimirum uni vel pluribus Civitatibus Gentibusque conveniens: quod posterius peculiari vocabulo *jus Gentium* vocetur. Sed congruentior esse videtur trita juris partitio in *naturale* & *positivum*. seu arbitrium hoc verò: in *jus Gentium* & *jus Civile*. Nam postrema hæc appellatio per se denotat, jus illud, quod proprium est alicujus Civitatis. Et hæc de juris *Gentium universalitate*.

Quò ad tertium. Obligationem istiusce juris propriam plerique perperam putant, eandem ex communi aliquo Superiore descendere, qui jurisdictionem habeat sive dominium in eas omnes quas *jus Gentium* complectitur Gentes; quemadmodum peculiaris Superior dominium habet in Civitatem seu Cives quorum *jus Civile* præstituit. Ex qua falsa hypothesis ortum est, quòd aliqui frustra communem hunc Superiorem invenire tentaverint: alii verò Superiorem hujusmodi non inveniētes; confuderunt *jus Gentium* cum *naturali jure*, vel cum
jare



jure *Civili* aut illud prorsus è medio fustulerunt. Porro nequaquam incidissent in hunc scopulum, si animadvertissent hanc obligationem non ex aliquo Superiore proficisci; sed singularum gentium, vel singulorum in propriam gentem imperantium auctoritate investitam fuisse. scilicet: unaquæque Gens vel sibi ipsi hanc obligationem imposuit, per consuetudinem usumque diuturnum, vel illam à proprio Superiore suscepit per legem expressam aut tacitam, adeoque quælibet sigillatim et absque ulla ab aliis gentibus dependentia, *jure Gentium*, quod in illa viget obstringitur: *Ex quo sequitur*, unamquamque Gentem propria auctoritate posse mutare vel tollere omnino *ius Gentium*, quò ad ipsam spectat: nisi tamen *pactum* aliquod vel *explicitè* vel *implicitè* initum cum aliis gentibus fuerit: cujusmodi esse solet præsertim inter finitimas Gentes, in iis, quæ pertinent ad *commercium* reciprocum. eo ipso. quò diu commercium tali modò exercuerint, vel certas aliquas condiciones servârint. In hoc fanè vel alio simili casu nequit una gens, vel ille, qui præsidet à consuetu-



svetudine & more perpetuò servato recedere, nisi, ut summum: alia parte,, præmonita. Quod ut clariùs pateat, sint in exemplum omnes *Europa* gentes (de aliis præsertim barbaris gentibus apud quas aliæ consvetudines Juraquè vigent, modò non disceptatur) in id consensisse, nè armis venenò infectis in bello uterentur, nequè aliam aggredierentur gentem nisi ante priùs indicto bellò; nequè demum: pugnâ captos interficerent; in his casibus nulli *Europæ* genti liceret hujusmodi *Jus gentium* infringere, aut tacitam *pactionem* violare, nisi altera parte, qua cum agendum esset; præmonita. Diuturna siquidem consuetudo belli ita gerendi inter *Europæos* præsertim *Christianos*, non potuit non inducere pactum implicitum, proinde & obligationem aliquam prædictas conditiones servandi. Fatendum tamen est; ejusmodi obligationem *juris Gentium* propriam non esse, sed *juris Naturæ*, quod: *conventiones* & *pacta* sive *explicita* sive *implicita* accuratè servanda esse præscribit. Quanquam: in his aliisvè similibus, quæ pertinere ad *jus Gentium*,
vulgò



vulgò censentur, obligatio, illa servan-
di, fortasse non fluat ex sola implicita
conventione, vel *pacto*, sed etiam ex
re ipsa: namq; facta etiam *hypothesi*, quòd
injustum non esset gerere bellum pri-
ùs non indictum, vel armis veneno im-
butis, vel hominibus in bello captis vi-
tam adimere; tamen maximè dedecet, &
nimiam sapit crudelitatem uti armis illis,
quorum, vel leviora vulnera: mortalia
sint. atq; insanabilia. Sic etiam *cap.ivos*
occidere, ut minimùm, est *summum jus*
exercere, quod: *summa injuria* voca-
cari solet: demum non indicere bellum
gerendum; est aditum *reconciliationi*
præcludere, quæ vel *excusatione* legi-
tima, vel voluntaria *satisfactione* iniri
facile posset: adeòquè bellum non ne-
cessarium vitari, jam verò compertum est,
ejusmodi obligationem manare non ex
jure Gentium duntaxat, sed ex ipso *jure*
Naturæ. Ex quo consequitur, Gentes, vel
Supremum illarum Legislatorem, nullo
Juris Gentium vinculo obstringi cum
propria authoritate mutare illud
vel abrogare; poenitus valeant. Restat
igitur: peculiares duntaxat alicujus gentis
per-



personas vel qui earum Legislatori subduntur, propriè *jure Gentium* adstringi, cum isti solum auctoritati quæ fons obligationis est, subjiciantur. Legislatori autem supremo, si jus istud non servet, solum objici exprobrarique potest, eum, minimè conformari consuetudini, ac moribus apud plerasque gentes vel saltem apud cultiores obtinentibus vel ex *tacita aliqua conventionē* recedere: quod sane dignum reprehensione censet. *Joann. Franciscus Finetti Tom. 2do: Lib. 12. cap. 5. ad finem.*



Christo * Nazaræo;

QVI transfert regna atqVē
ConstltVlt; Dat saplentlaM**
saplentlbVs,
honor slt & GLoria.

* Matth. cap. 2. ver. ult. ** Daniel. cap. 2. ver. 11.



Litteratura
Aethetica,
Graeca,
Historia naturalis
Botanica,
Technologia,
Historia Austriaca,
Religio.
8 objectas Reliquas
173 173
3 3

Sp. Latom cate lo Suello
e prauie Narodow

Ma v. L. L. L.

J. IV. 20



798643 Bibliotheca 300,-
P.P. Camaldulensium in Bielany

Depozyt w Bibliotece Jagiellońskiej



01316

